

UPM meterai MoU dengan Universitas Airlangga, Indonesia

“Majlis MoU ini merupakan perkongsian pintar bagi kedua-dua pihak untuk memajukan bidang pendidikan dan dapat menggalakkan promosi pendidikan UPM kepada negara luar,”

Prof. Dr. Nik Mustapha R. Abdullah

Oleh: **SHARIL NIZAM SHA'RI**

Foto: **Ahmad Fua'ad Alwi**

SERDANG (21 Februari) - Memorandum Persefahaman (MoU) bagi mempertingkatkan usaha dan kerjasama dalam bidang pendidikan veterinar dan seterusnya dapat menggalakkan pertukaran intelektual antarabangsa dengan universiti tempatan berjaya dimeterai di antara Universiti Putra Malaysia (UPM) dengan Universitas Airlangga, Surabaya, Indonesia (UNAIR).

Majlis yang berlangsung di Pusat Pendidikan Luar, UPM ini mencatat sejarah sebagai satu-satunya MoU untuk meningkatkan bidang veterinar Institut Pengajian Tinggi negara berkuat kuasa selama lima tahun.

Bagi pihak UPM, Naib Canselor UPM, Prof. Dr. Nik Mustapha R. Abdullah dan Dekan Fakulti Perubatan Veterinar, Prof. Dr.


Mohd Zamri Saad menandatangani dokumen perjanjian tersebut.

UNAIR yang hadir seramai 14 pegawainya pula ditandatangani Rektor, Prof. Dr. Med. Dr. Puruhito dan Dekan Fakultas Kedokteran Haiwan, Prof. Dr. Ismudiono.

Secara jelasnya, kedua-dua pihak saling bersetuju untuk mengadakan program pertukaran pelajar, maklumat pengajaran dan penyelidikan, pegawai pentadbiran dan bekerjasama menjalankan kajian yang dikenal pasti bermanfaat untuk memajukan bidang veterinar untuk kedua-dua buah negara.

“Majlis MoU ini merupakan perkongsian pintar bagi kedua-dua pihak untuk memajukan bidang pendidikan dan dapat menggalakkan promosi pendidikan UPM kepada negara luar,” Prof. Dr. Nik Mustapha R. Abdullah

Kesungguhan UPM ini disambut baik



Sepakat.... kedua-dua pihak saling berjabat salam.

oleh Prof. Dr. Med. Dr. Puruhito yang mengatakan dalam ucapannya, semua institusi pendidikan perlu bekerja keras dan maju seiring dengan arus globalisasi bagi memastikan tahap kualiti pelajar, pegawai dan bidang penyelidikan tidak ketinggalan zaman.

Sementara itu, Dekan Fakulti Perubatan Veterinar, Prof. Dr. Mohd Zamri Saad, berkata, MoU ini meningkatkan lagi reputasi program, pelajar dan pegawai Fakulti Perubatan Veterinar yang satu-satunya ada di Malaysia ini dan fakulti

pertama yang berjaya memperoleh persijilan ISO9001:1994 di UPM.

Sehingga kini, Fakulti Perubatan Veterinar UPM menawarkan program Doktor Perubatan Veterinar dan dilengkapi dengan Hospital Veterinar Universiti yang menjadi pusat rujukan kes veterinar dari seluruh Semenanjung Malaysia serta berjaya melahirkan graduan yang mahir sebagai pegawai veterinar atau pegawai penyelidik dalam pelbagai industri ternakan, aspek perubatan veterinar yang meliputi penyakit haiwan dan pengawalan penyakit